



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1566 usque ad annum 1572

**Fleury, Claude**

**August. Vind. [u.a.], 1772**

**VD18 90118634**

§. 28. Lælii Socini Historia.

---

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.  
A.C. 1566.

hi reformati exinde potentia crescentes hunc conventum pro suo arbitrio moderabantur, atque contra novos hosce Arianos, quotquot poterant, accusationum capita conglomerabant, tantaque verborum vehementia apud illos Proceres, qui eisdem alyli opportunitatem concesserunt, instabant, ut eorum plurimi turpiter ejecti, atque ad suos remissi fuerint.

§. XXVIII.  
*Lælii Socini Historia.*

*Sandius*  
*Bibl Anti-*  
*trin. p. 18.*  
*Zachius*  
*Præfat. lib.*  
*de tribus*  
*Eloim.*

Ad hunc annum salutis nostræ millesimum quingentesimum sexagesimum sextum revocatur Epocha opinionis Pinczoviensibus tantopere familiaris, quæ etiam postmodum a Fausto Socino Sectæ Socinianæ Antesignano per novam formam ab ipso inventam, novumque Systema ceteris præscriptum dilucidata fuit. Hic idem Faustus ex antiquissimo, & maxime conspicuo Senensis Urbis genere in Etruria ortus, ac paterna ex linea nepos erat celebris illius Socini, qui Anno Christi millesimo quingentesimo vigesimo quinto primam lucem aspexit, ac primo sese jurisprudentiæ studio dicavit, cum vero intellectus sui amplitudinem hoc labore nullatenus fatiari crederet, sacris literis operam navare cæpit, ac linguæ

Græcæ

Græcæ, Hebraicæ, & Arabicæ peritia imbutus ingenii sui felicitate, atque assidui laboris subsidio brevi maximos fecit progressus. Postea Theologicis disciplinis intentus abstrusissima quæque Religionis mysteria, quæ tum inter doctos æque, ac idiotas familiaris colloquii argumentum erant, suo intellectu exhaurire præsumebat, inde vero Lælius haud aliud capiebat emolumentum, nisi quod de fidei rebus differens dubius hæreret, ac continuo de illis disputaret, prout in Vicentinis colloquiis ab eo factum nos ad annum Domini millesimum quingentesimum quadragesimum sextum memoravimus: porro cum Inquisitionis Ministri in illum inquirere pararent, ipse anno sequenti relicta Italia Helvetiam, Franciam, Angliam, Hollandiam, & Germaniam pervagatus tandem Anno Salvatoris nostri millesimo quingentesimo quinquagesimo primo in Polonia substitit, inde autem Genevam delatus Lissimaninum ex Ordine Fratrum Minorum seduxit, ex qua urbe iterum excedere cogebatur, ut Calvinus, qui novis Arianis bellum nuntiare cæperat, vexationes effugeret: quapropter Tigurum profectus ibidem sibi ingentem nominis sui famam comparabat, atque per Calvinus epistolam Anno millesimo quingen-

Sæcul. XVI.  
A.C. 1566.

Sæc. XVI  
A.C. 1566.

tesimo quinquagesimo secundo datam  
cautior factus Antitrinitariorum erro-  
res spargebat.

Posthæc Anno post Christum natum  
millesimo quingentesimo quinquagesi-  
mo octavo Poloniam petendi desiderio  
stimulabatur, eo quod hoc regnum tunc  
non modo effræni suorum civium ple-  
rumque existimatæ reformationi ad-  
dictorum licentiæ, sed etiam exterorum  
libertati esset expositum; quotquot enim  
tutum locum, ubi abjecta omni lege,  
ac Religione vivere possent, quærebant,  
hi cuncti ad hoc regnum tanquam ad  
asylum omnibus sceleratis pervium con-  
fugiebant, ibidem præsidio ipsis a Pro-  
ceribus indulto securi: ideo Lælius  
quoque Socinus haud imprudenter hanc  
regionem tanquam receptaculi sui lo-  
cum sibi selegerat, cum haud amplius  
ad acquirendam Patris sui anno millesi-  
mo quingentesimo quinquagesimo sexto  
defuncti hæreditatem in Italiam reverti  
auderet, eo quod ejus nomen, & Per-  
sona omnibus exosa, atque Inquisitio-  
nis tribunali sat cognita esset: nihilo-  
minus postea hujus itineris discrimini  
se se exposuit, & potentibus recommen-  
datiis literis munitus, unacum Al-  
ciato, & Gentili per Moraviam in  
Italiam contendit, ubi tamen exiguas  
facultates, parcamque hæreditatem  
col.

collegisse videtur; quinimo cum sacrae Inquisitionis Ministri illum comprehendere moliebantur, inde ad Helvetios confugiens Tiguri substitit, ubi etiam Anno Servatoris nostri millesimo quingentesimo sexagesimo secundo die decima sexta Martii nonnisi triginta septem circiter annos natus infelicem animam evomuit. Talis erat Patruus celebris Fausti Socini, cujus historiam mox subjiciemus. Ceterum Lælius pro tuendis suis erroribus plura conscripsit opuscula, quorum indicem Sandius in sua Antitrinitariorum Bibliotheca refert.

Sæcul. XVI.  
A.C 1566.

§. XXIX.

*Fausti Socini Lælii Nepotis Historia.*

Faustus Anno millesimo quingentesimo trigesimo nono die quinta Decembris natus Patrem habuit Alexandrum Socinum Lælii fratrem, Matrem autem Agnetem Petrucciam, cujus parentes erant Burgesius Petruccius, & Victoria Piccolominæa, quocirca Faustus omnibus illis sanguine junctus erat, qui in sua patria tam nobilitatis gloria, quam dignitatum eminentia ceteris illustriores celebrabantur: porro ipsemet quantumvis ingenii, ac memoriæ præstantia clarus esset, haud magnum tamen in humanioribus, &

*Sadd l.c.  
Hernebeck  
summa  
controvers.  
de Socianismo.*

D 4

libe-